



Knud Kristiansen & Gerhardt Petersen  
Inatsisartunut ilaasortaq  
/MAANI

### § 37 naapertorlugu apeqquteqaammut nr. 183-imut akissut

Naalakkersuisut 4. september 2014-imi Inatsisartut suleriaasianni § 37 naapertorlugu Inatsisartunut ilaasortamit Knud Kristiansenimit aamma Gerhardt Petersenimit apeqquteqaammik tigusaqarput.

Makkuninga apeqquteqarputi:

1. **Nunatsinni, inissiatileqatigiiffik A/S INI Boligselskab sanaartornikkut namminersortuusunut suliaqartitsiffimminut piffissarujussuaq atoqqaarlugu akiliisarnarat Naalakkersuisut sutigut pitsannngorsaaviginiarlugu pisariillisarniarlugulu aqqissuuteqqinniarnarat ATASSUT-miit tusarusupparput. Namminersortuusut A/S Ini Boligselskab sumiifigisaani tusagaqarfigisaratsigu, kiisalu aamma Branche Udvalg-imi ilaasortaasuniit A/S Ini Boligselskab akiliisarnara kingusittangaarmat namminersortuusunut allaat kingunipiloqartinneqarsinnaasarluni, tamannalu Naalakkersuisut qanoq aqqiiviginiarnarat ATASSUT-miit tusarusupparput.? Ilanngulugu A/S Ini Boligselskab siulersuisuini GA-miit ilaasortaataqalernissaq periarfissatsialattut Naalakkersuisut tigusunnaat ATASSUT-miit tusarusupparput.**

#### **Akissuteqaat:**

Apeqqummut qujanaq, periarfissaq akissuteqarnermi INI-p ilaatinneqarnissaanut Naalakkersuisunit atornerpoq. INI allappoq ukiup aappaata qeqqa kingulliup ingerlanerani akiligassaqarfimmut akiligassat allagartaasa piffissaq eqqorlugu akilernerqartarneranni periaaseq INI-p pisariillisarsimagaa. INI-p rekvisitioninik akiligassallu allagartaannik akuerititassanik ingerlaavartumik malitseqartitsisarnara matumani taaneqarsinnaavoq. Tamatuma saniatigut INI akiliisarnarup pitsaassusianik qaammatit pingasukkuutaarlugit malitseqartitsisarpoq taannalu siulersuisunut nalunaarutigineqartarpoq. INI allappoq akiligassat 95 procentii piffissaq eqqorlugu akilernerqartartut akiliiffissallu qaangerneqartarneranut tunngatillugu 5 procentinut sinneruttunut pissutaasut tassaasut:

- Akiligassap allagartaani ullup akiliiffissap kiisalu AP95 naapertorlugu ullup akiliiffissap akornanni naapertuutinnitsoqarnera.
- Suliap akiligassanngortinneqartup inspektørimit akisussaasuusumit naammassillugu akuerineqarsimannginna.
- Boligstøtte naapertorlugu illuutilinnut iluarsaanissamut tapiissuteqarnermut atatillugu akiliussinermut iluarsineq, matumani akiligassat allagartaasa ilaat Namminersorlutik Oqartussanut toqqaannartumik nassiunneqartarput akilernerqartillu, Namminersorlutik Oqartussanut

17-09-2014  
Suliap normua. 2014-103617  
All. nr. 1694666

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

1

akiligassanngortinneqannginneri pissutigalugit, tamanna akiliiniarnermut kinguarsaataasarpoq.

- INI-mit ilaanni naammattoorneqartarpoq akiligassat allagartaat akue-  
risassanngortinneqarnerminni uninngalersarnerat tamannali siusinne-  
rusukkut taaneqartutut ingerlaavartumik malitseqartitsinermi paasine-  
qakkajuttarpoq.

Tamatuma saniatigut piukkunnartussarsiornissami 2014-imi ukiakkut pisussami pingaaruteqarnera pissutigalugu akiliinissamut piumasaqaataasut siunissami pingaartinneqartussaasut INI allappoq.

Siulersuisut katitigaanerannut tunngatillugu oqaatigineqarsinnaavoq ingerlatseqatigiiffinni namminersorlutik oqartussanit pigineqartuni siulersuisut inuussutissarsiutigalugu siulersuisutut ingerlatinneqalernissaat Naalackersuisunit anguniarneqarmat. Ilaatigut aqutsisoqarnikkut suliaasanut assigiinngitsunik ilanngussiortornikkut siulersuisuni sulinerup pitsaassusia ataqatigiinnerlu imartutitsinikkut annertusarneqasammat.

Naalackersuisut ukiut tamaasa ukiup naanerani siulersuisunik naliliinermik tigusaqartarput siulersuisuni piginnaasarineqartariaqartunik misissueqqissaarnertalimmik. Naak GA INI-mut tunngatillugu pingaarutilimmik soqutiginnittuugaluartoq GA-p INI-p siulersuisuanut ilaatinneqarnissaanik siunnersuut Naalackersuisut Kalaallit Nunaanni ingerlatseqatigiiffinnik aqutsilluarnissamut najoqqutassanut naapertuusso-  
rinngilaat.

Inussiarnersumik inuulluaqqusillunga  
Med venlig hilsen



Aleqa Hammond